

## MARTXA

1/ Erritar gure Donostiako  
jende artzalle maiteak,  
ditugu guztiz gauza ederrak  
ugari eta merkeak:  
soiñ egokiyak, zapata pollit,  
armariyo eta kutxak,  
barrika, parol, pertza, paziya  
eta guraize txorrotxak.

2/ Donostiarrak oi dira beti  
umore onean oitubak,  
Iñauterian ageri dute  
bertako kanta soñubak:  
gaur bertan ondo degu erakusten  
bere langille maisubak,  
goizetik arrats geroni eta  
andreak dibertitubak.

3/ Beti pakean, beti naikeran  
Donostiako jendea,  
nola egunean ala gabean  
atsegin da ikustea:  
Iñauteriyen ez da ezagun  
nor dan zarra, zeñ gaztea,  
giza-semea, emakumea,  
aberats edo pobrea.

## BELAUN-TXINGOA

1/ Zortzi langille maisu guztiyak gazteak,  
eta emazteak,  
arintzen nekeak,  
gatoz plaza berrira umore onean,  
dantzari lanean,  
kantari nekean;  
soñubarekin gera alegre dantzatzen,  
ez gera nekatzen,  
ez ere aspertzen;  
salto bada, gizonak ta andreak salta  
egiñ lana, kanta  
ta nekean dantza.

2/ Dendariyaren andre lanera egiña,  
guztiz jostun fiña,  
da esku ariña;  
zapatariyak duben betiko laguna,  
andretxo kutuna,  
enterozko ona;  
arotzaren andrea lana egin naya,  
arkitzen du gaya  
gerriko linaya;  
linterna-egilleak duben emaztea,  
moduzko gaztea,  
biziro maitea.

3/ Tonorgille andrea lanean azkarra,  
maite du senarra,  
biyotztxo bakarra,  
da perratzallearen andretxo gajoa  
txit lagun gozoa,  
entero jaso;  
paziyagillearen emazte eztiya,  
ondo ikasiya  
konpontzen paziya;  
txorrotxgillea nola len zan alarguna,  
artu du laguna gazte diruduna.

## KRISKITIN

1/ Eguna aisa, denbora laster  
igarotzen da lanean,  
gogoarekin jardun ezkerro  
egitekoa danean:  
gogoak arintzen du nekea eta  
sortzen lanbidea.

2/ Badegu gogo, lana badegu,  
ofiziyoko jendeak,  
argatik gaude beti kontentu  
gizonak eta andreak:  
egunaz gogotik bearrean  
eta deskantsuz gabeen...

### TXULO-TXULITO

1/ Festara gatoz festara,  
eta nor bere lanera  
Donostiako plazara,  
gero ondoren dantzara;  
penak utzi ta  
maite polita,  
atoz zu nere ondora.

2/ Neke ondoren dantzatzen  
dirade penak aztutzen,  
zankoak dira arintzen  
eta ezurrak biguntzen:  
atoz nigana,  
maite laztana,  
lagun zadazu kantatzen.

### ZORTZIKOA

1/ Donostiako plazan  
dira gaur ageri  
gauza merkeak eta  
naikeran ugari:  
lenbiziko atsegiñ  
eman begiyari,  
gero diru ederra  
ekartzeko guri.

2/ Zernai gauza badegu  
zubentzako diña,  
puntada txearekin  
modara egiña:  
kasaka ta pantaloi  
oyalezko fiña,  
galtza, lebita, kapa  
eta esklabiña.

3/ Ditugu botak eta  
zapata sendoak,  
ixkindokiyak, kutxak  
eta armariyoak:  
pitxarrak, inbutubak,  
parol eskukoak,  
paziya txiki eta  
aundi kobrezkoak.

4/ Pertzak ditugu neurri  
guztiyekoak,  
sulla, barrika, barril  
eta tiñakoak:  
arri leunak, bestek  
ez bezelakoak,  
guraize ta labanak  
txorrotxtutzekoak